

HMEICHHE NAUPANGIN PATHIAN RAWNG A BÂWL

RAWNGBÂWLNA: Pathianin rawngbâwl dân min zirtîr thîn.

CHÂNGVAWN: “Pathian ... chuan, ... thil tha tih leh thu tha sawi tin rêngah tichak che u rawh se,”
(2 Thesalonika 2:16, 17, NIV).

Chhiâr Tûr: 2 Lalte 5:1-8; *Zâwlneite leh Lalte*, (2nd Edition, 2014), p. 214.

Thuchah: Kan thil tih leh thu sawi hmangin Pathian rawng kan bâwl thîn.

Zirlai Tum: Naupangte Chuan:

- An thil tihte leh thusawite hmangin Pathian rawng an bâwl zêl tih hria a,
- Mi dangte hnêna Pathian chanchin hrilh tûra **phûrna neiin**,
- An thil tihte leh thusawite hmangin Pathian chanchin an puâng zêl ang.

Pathian rawngbâwl dân in hria em? Sal hmeichhe naupang tê khân a thil tih leh thil sawi hmangin Pathian rawng a bâwl a ni. Hetiang hian a lo tí pawh a ni mai thei e....

SAL HMEICHHE naupang tê, Chhiahhlawh Nû tê chuan a rirtui bâwm chu fîmkhur takin a'n hru fâi a. Ni dangah chuan tukverh êng thlârah chuan rirtui bâwm tê chu a tle sar sar thîn a; mahse, chumi nî chuan a pîn tukverh a hawn ên rih loh avângin chutiang chuan a lang lo, a thim deuh ruih zâwk a ni.

Tukverh puan-zârte kai hlîm lo vin a inzâr a. Pi Naamani chu chutah chuan lo awmin, a lo inhnîp deuh faih faih a. Chhiahhlawh Nû chuan a chhan a hriatpui sâ reng mai. Sipai hotu Naamana chuan phâr hrî a vei a. Khatih lai hunachte kha chuan tû mahin phâr natna hi an tidam thei ngai lo. Phâr hrî chu vunah hian a lo lang chhuak a. A kut zungtang leh ke zungtangte chu a chawmawlh a, thil an hre vê thei vak lo. Pi Naamani chu a lungngai êm êm mai a ni.



Chhiahhlawh Nû tê chu thâwm dîm takin a lo lût a, a pî hnênah chuan, “Ka pû hi kan ram lama zâwlnei hnênah va kal sê ka ti êm mai! Zâwlnei Elisha chuan a phâr hri vei hi a lo tihdamsak mai dâwn sî a,” a ti a.

Pi Naamani chuan a mittui chu a’n hru fâi a. “Bawihtê, eng nge i sawi le?” tiin a’n zâwt fiah a.

Chhiahhlawh Nû tê chuan Pi Naamani hnênah Israel rama chêng zâwlnei Elishâ chanchin chu a hrih ta a. “Vân Pathian, Lalpa chuan zâwlnei Elisha hmangin thilmak tam tak a ti thîn a,” a ti a. Chubâkah, a nû leh pête hnên ațanga Pathian dik leh nung chanchin a lo hriat tawhte pawh chu a hrih zui ta zêl a.

Pi Naamani chu khum ațangin a tho chhuak a. “Hmâi phihna tûr tui min han suahsak rawh le. I thil sawi chungchâng chu ka pasal hnênah ka’n hrih ang e,” a ti a.

Pu Naamana chu an ram lal sipai ruâl zawng zawngte hotu lû ber a ni a. Tichuan Naamana chuan Chhiahhlawh Hmeichhe naupangin a nupui hnêna a thil hrih chu lal ber hnênah a hrih vê ta nghâl a. Lal chuan a hnênah, “E, va kal ta che! Zâwlnei hmu tûr chuan va kal ang che. I tân Israel lal hnênah lekhathawn pawh ka lo ziak dâwn nia,” tiin a phûrpui hlê mai a.

Pu Naamana chuan rangkachak leh tangkaraw tlang bâkah silhfên mâwi tak tak, hâk 10 lai a keng tel bawk a. Chûng chu Israel rama amah lo ținpuitu (tidamtu) hnêna lâwmmawn atâna a pêk tûr a ni.

Mahse, Suria lal lekhathawn nêna Israel lal hnên a va thlen chuan, Israel lal chuan lekhathawn chu a’n chhiar a, a mangang ta êm êm mai a. Amah chuan Naamana phâr natna vei chu a tihdamsak thei lo tih a inhria a. Engvânga Suria ram lal chuan chutiang thil Naamana lo tihsak tûra ngên ngê a nih pawh a hrethiam lo va. Naamana natna a lo tihdamsak loh chuan engtin nge ni zêl ang le? Thinrim takin Israel ram chu a rawn rûn leh mai dâwn em ni ang?

Zâwlnei Elisha chuan Naaman an ram a rawn tlawh chungchâng chu a lo hre vê a. Israel lal hnênah chuan, “Engati nge i rilrû a mangang viâu ni? Naamana chu ka hnênah han kaltîr rawh, tichuan Israel ramah hian zâwlnei a awm tih a hre mai ang chû!” tiin a chah a. Zâwlnei Elisha khân amah chuan Pu Naamana natna a tidam thei lo tih chu a inhria a; mahse, Pathianin A tihdamsak thei tih a hria a ni.

Zâwlnei Elisha leh Sal Hmeichhe Naupang kha chuan Pu Naaman Pathian dik tak chu a hriat an duhsak vê vê a. Sal Hmeichhe Naupang hian Pathian a hmangaihna chu Pi Naamani tâna thil a tihsakna apiangah a lantîr zêl a. A thil sawiah pawh a lantîr bawk a. Mi dangte hnêna Pathian chanchin hrih zêl hi nuam a tihzâwng tak a ni.

Nangni pawh in thil tih leh thil sawi hmangin Pathian rawng in bâwl vê zêl thei a. Chutianga in tih chuan mi dangte pawhin Pathian hmangaihna thû an lo hre vê mai dâwn a ni.

TÌH TÛR LEH SAWI TÛR

Sabbath Chàwnhû: Tûn kêr nî tinin, zirlai hi chhiar ho vin, chângvawn ennawn nân heta zaizir hi in ti ðhîn dâwn nia:

Pathian ... chuan, Chunglam kâwk la.



Thil ða tih. Bân pahnih hmalam zâwnga phar chhuah.



thu ða sawi tin rêngah. Kâ kawh tûr.




tichak che u rawh se. . . . Kut hûm a, bân tihsek.



2 Thesalonika 2:16, 17. . . . Kut phah pahnih thlawp a, kâu leh.



Sunday: In fâten an Sabbath Sikul lama Phêngphehlep Thuchah Rûk (Secret Message Butterfly) an siam kha mi dangte hnêna pe tûrin fuih la, chutah Sal Hmeichhe Naupang chanchin in hrih zui dâwn nia. (A nih loh le, thuchah rûk “Pathianin a hmangaih che” tih angte ziahtûrin, tu emawte hnênah in pêktîr/thawn dâwn nia.)



Thàwhţannî: Chhiar ho tûr: *2 Lalte 5:1-8*. **Inzawh tûr:** Engtin nge Sal Hmeichhe Naupang khân Pathian rawng a bâwlsak ðhin? Pu Naamana khân Pathianin a tidam thei ang tih a ring vê em? Sal Hmeichhe Naupang tê khân a thil tih leh sawi hmangin Pathian rawng a bâwl ðhin em? ðhenawm vêla kum upa lamte emaw, ðhiante emaw ðanpuina hmanga tûn kêr chhûng ngêia Pathian rawng bâwl dân tûr ruâhmanna siam ang che u.

Thàwhlehni: Hla sak tûr: “Jesus Wants Me for a Sunbeam” (*Little Voices Praise Him*, no. 202). In fâte chuan ðhenawm hnâi vêla damlote tlawh/biakna neiin “Pathianin a hmangaih che a, keini pawhin kan hmangaih che,” tih hrih tûrin in ðanpui dâwn nia. Chûng damlote chu in ðawngţaisak dâwn nia.



Nîlâinî: Kan thiltihte leh thu sawite hmanga Pathian rawng kan bâwl theih dân tûr kawngte in sawi chhâwk tlâng teh u. (Entîr nân, tûte emaw hnêna thlamuanna thu sawi te, inawmlemna thil mi dangte khalhtîr vê te leh thil dang dangte pawh.) Chutiang chu ataka tí angin lemchanah hmang ula, vawiin hian pakhat tal chu tihtîr ðheuh in tum dâwn nia.

Nîngânî: In nâute chu hlim hmêl leh lungngai hmêl lem ziahpui ula. Zirlai thawnthû in chhiar hunah, a boruak mil ang zêlin, hlim hmêl leh lungngai hmêl chu in lek chhuahtîr zêl dâwn nia. Sawi tûr: Pathianin a tidam thei tih Naamanan Sal Hmeichhe Naupang hnên aţangin a lo hria. Khâ thil avâng khân Naamana kha a hlimin in ring em? Hla sak tûr: “This Little Light of Mine” (*No. 38*).

Zirtâwpnî: In chhûngkuain Bible thawnthû hi lemchanah hmang ho teh u. Naamana lema chang apiang chuan phâr natna veina lai âwmah thil vâ in bel zêl dâwn nia. Mi dang ðanpuina lam hlâ sa ho ula. Mi dangte chungah thil ðhâ in tihsak theih avângin Pathian hnênah lâwmthû sawi ang che u. Amâ rawngbâwl tûra in inpeih sâ fo theih nân Pathian ðanpuina dîl nghâl ang che u.